

豫

章

焚

書

第八冊

重刻張來儀靜居集卷二

潯陽 張 羽 來儀 著

高安 陳邦瞻 德遠 校

新都 汪汝淳 孟樸 全校

五言古體

懷景佺師

旅宿厭煩喧愛此僧居靜蓮宇已摧頽茅齋自清迥
山光林際來野色雨中淨池水不生瀾袈裟坐相映
累日滯幽尋綠苔應滿逕

寄杰上人

相望東西陌共掩林中扉誰言儒道異妙善理同歸
昨歛精舍游步經園徑微高垣夏木遶綠陰生畫屏
振錫還山去空壁掛禪衣何意幽棲侶佳會亦相違
離合兩俱妄去來寧有依究空自足遣了此人我機
沈集自錢唐歸以此示之

錢唐昔所游形勝此邦最尙想鳳凰山飛翔落天外
胸吞滄溟寬江水渺如帶海門豈天設屹立兩扉對
汐潮類臣妾朝暮屢進退羣峰抱明湖浸淫百泉會
不意玉女盆居然墮闔闔崔嵬白塔寺零落南宋內
荒階與斷礎龍鳳紛破碎昔聞毫社屋厭鎮似可怪

豈徒鞭荆尸戮辱極狼狽僧胡固當醢國相豈無罪
雷師秉靈災焚蕩意頗快至今遺民過涕止行且拜
邈遊何草草弔古須我輩落日望東南臨風發長嘯
寄吳隱君

隱翁蘊真趣飄飄懷古仙振衣入遠岳順風祈一言
寂愿微妙韻精明天老篇清齋扣玉齒焚香禮岐軒
九嚙華池液七返流珠丹頤性得天和齊物同化元
玉芝非吾茹聊以蘇世瘵神期苟冥會飛步升九天
抗迹遊浮丘麾手招僊佺下視倉扁流永爲塵罔牽

贈吳道士秋雲

飄飄三素雲鬱鬱秀玉標清明合九炁高游冠神霄
凝化淪無迹廓落乘素飈停陰布甘澍灌溉榮庶苗
冥真無去留靈根永不凋真人保黃寧精鍊五濁消
控駕浮玉洞飛裙歛烟飄子英迴黃旂司命讚洞謠
澹遊何方所享此年劫遙

舟中

朝發戴山岑夕逗金溪瀆雲天方慘栗川途屢迴復
颿駛岸疑轉櫂奔山似逐鷗鳥隨波泛霜漸孕苔綠
依依浣女影嫋嫋榜人曲采奇忘來久耽勝成往速
悅生良可懷徇名非所欲請試孺子歌去矣從我獨

玄覽室

塵塵游氣運森森萬有羅宵然玄中求理一非有他
存心冥靈府洗胎灌百邪歟妙體常寂豈知形迹多
譬彼明月輪總攬諸山河團團霄中微默默至幽遐
又如大淵海潛凝範眾波中有逕寸珠炯炯曜玉葩
間黑歸明月應感無偏頗高觀眾彙表不樂將如何
送許尊師還大滌洞

青山九鎖處白髮一龕居清齋誦黃老不閱世間書
餐霞食真氣對月禮空虛背來流水地應與孤雲疎
遙知還山日仙壇春草餘

贈醫士劉子中

伯休無二價長房惟一壺眞隱不在山何必去京都
通籍遊金閨觀化眺神區攀蘿采石肉潛波攬江珠
焚香降天老稽首黃農書製之軒光竈湛然履穢除
金精就日養輔世事其餘超延龜鶴齡高盼凌桑榆
哀哉倉扁徒忘已要名譽當年不自保千載聞騁如
由竹溪至梅谿書贈莫雲樵

出門懷清曠入舟苦炎熾皇天從人欲飛雨颯然至
風吹波上寒淒其感秋氣暝投山僧眠復得清淨地
舟人候明發徒侶不得遲泝流多枉渚篙楫頗告瘁

雖微三巴險事與五盤異聞昔天目頂靈物久潛閤
一朝赴大壑怒折崖谷碎回頭顧其兒首尾屢相值
至令此溪水斗折七十二世遠眾喧傳茫昧竟誰識
但欣秋濤壯水物俱得志我何憚行役沿澗領佳致
鷗鳬泛澹濫蒲柳蔚蒼翠人烟亂餘集茅屋若碁置
之子住河澹相望勞夢寐每怨川無梁握手今可跂
憶昨訪我初茅齋夜深閉扣門滿衣雪僵立不得跪
移燈具雞黍濁酒寒不醉同來鄭廣文清瘦凜欲睡
絕勝王猷顛返棹何太易茲行冒暑雨古禮尙報施
逝將棧輕橈待子思共濟散髮乘長流垂竿釣清泚

虛舟縱超越萬里誰能繫恐此未易期臨川一長喟

扇上墨萱

團扇復團扇團團三秋月上有宜男草可翫不可折
宜男何足貴能令憂作悅憂思既可忘爲君忘炎熱
無障西風塵汗此皎如雪

題采苓子卷

春山靄衆綠靈苗何處尋孤芳不自掩迢遞入幽襟
塞條繁露散濯根寒澗深持此當朝茹清齋延道心
寄金許二高隱

輕籬始颺幕新篁稍翳隣非關杜來迹昔徑自無塵

獨以靜爲賞，彌懷心所親。
倘畢東臯務，一來存故人。
獨夜聞雪

未知雪意就向夕，足寒雲茅齋。
夜自掩孤枕，夢回聞暗飛。
方瑟瑟誰起看紛紛，却憶梁園客。
旣醉復能文，山中答武康徐高士寄書

久別得君書，開緘散吾慮。
不寄山僧來，何由知我處。
剪紙答君書，還寄山僧去。
爲問片雲閒，何時一相遇。
暮歸聞許文學枉顧

留連東齋飲，迢遞獨歸遲。
忽逢山僊話，知枉故人期。
月華波上動，禽響竹間移。
不遇君閒咏，悠悠清夜思。

舟中望佛燈院懷南澗

院在烏程六都施家橋東北久廢今爲歸安前

止吳氏

墳墓

蕩舟西陂上望山懷遠公遙知覆衲臥雪屋一燈紅
事殊迹暫曠神交理自通維當待歲杪期子白雲中

寓徐給事中舊所植竹樹有懷

君爲金門彥我向故山來芳樹遶庭綠猶是去時栽
寢閣銷餘馥賓位滿青苔孤賞誰爲樂園花空自開
擬過園隱阻雨

在遠每傷離在近還成隔飛雨渺何窮佳期悵難得
人寒市井空天晚江湖白知君掩閣臥終朝遲來客

石門道中

依微鳥外村
逶迤烟中驛
帆重因沾雨
柁轉時驚石
遙岑樹共青
淺浪鷗同白
離索詎須愁
來往誰非客

續懷友 五首并序

予在吳城園中作懷友詩廿三首其後題識四人
通嘉陵楊孟載介休王止仲渤海高季迪郊郡徐
勿文也時予與諸君及永嘉余唐卿者游皆落魄
不任事故得流連詩酒間若不知有風塵之警者
及兵後予移寓武林向所懷者往往不相見而五
君者或謫或隱又各睽異嘆離合之靡常感游從

之難得也故云

幽居古垣下共彼嘉樹陰里隣豈無好念子是同心
芳英帶露折清尊向月斟欲往尋遺躅荒園春草深

右余左司

藩翰屈長才蹉跎事文筆賓筵罷醕醑容臺淹下秩
高門去復醉孤帆望中疾少別歲已華思君無終日

右楊典簿

衡廬古巷中高駕日相顧芳草掩空扉知君斷幽步
殘烟北寺鐘暮雨西園樹攜賞遡難期庶望遺緘素

右王逸人

子旣遷山郡子亦返郊園
兩地花俱發離愁春共繁
已罷臨池賞仍睽傾座言
從來作者意寂寞向誰論

右高徵君

常懷稚子悲復酒佳人泣
草草從軍旅悠悠去鄉邑
芳郊連騎行烟郭同舟入
當時苟不樂追憶何由及

右徐軍資

送方員外力疾歸吳興

終年不出戶出戶卽相違
疾病欣在告田園應暫歸
天寒孤舟發歲暮行人稀
棹師遵舊路田翁識故衣
望聞桑梓在入里人民非
傷哉展丘墓遽爾辭荆扉

居鄉如遇客回首情依依晴春入舊牖積雪含清暉
佳期遲子還勿愛故山薇

答方以常見寄

余方臥閒館子亦辭公門念惟名跡同中有素心存
昨暮枉高駕飄飄寒雨繁觴酌未云洽烟郭遽成昏
乖曠稍經宿已復長憂煩晨興來芳翰知子憩幽園
庭陰綠始遍時夏鳥無喧感物心獨悟思與靜者論
披詞想清景欲往阻脩轅申章酬佳貺寂寞已忘言

答宋天章詠懷

良辰誰不樂游子獨慨慷慨慷亦何爲感物懷故鄉

故鄉亂庶已欲往川無梁安得凌風翼
泝彼西南翔出門遇行客言曾歷我疆
宮室盡爲墟城郭從悲涼訪予平生親
白骨委榛荒君子志四海小人懷一方
勲名愧遠圖豈必梓與桑游子不能答
涕下沾衣裳葉落糞本根狐死首山岡
所生良可樂貧賤乃其常
送莫翥入郭却還谿居

舉世皆如醉何人獨愛才余雖識君者
相對亦徒哉落日收書卷涼風送酒杯
紛紛俗中悶空谷遲重來
其二

蟬鳴山郭晏一掉出烟扉涼風將皓月
迢遞送君歸

自識門前樹遙聞窗下機應歎緇塵滿臨流一澣衣

讀書圖

幽棲出塵表脩翠連松竹袖得碧苔篇閑來石上讀
日暝欲忘還山空人轉獨

山居寄止仲

旅寓難自選幸此竹林石苔饒古色山禽多夜啼
遺形暫爾遣望道窅然迷鬱鬱將誰語申章默自題

賦麴院風荷贈別

露葉颺漣漪風涼水院時翠輕愁欲斷珠圓不自持
低昂隨妓蓋翩翻卷釣絲盤折驚魚逝規蕩宿禽疑